

ادبیات کوریه کیمچی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۲۸ شعبان ۱۳۳۶ جمعه ایرتی ۸ حزیران ۱۹۱۸ نومرو ۴۰ — ۷۱

اجمال فکر

لسانه ، ادبیانه بالشیونیم

قابل انکار دکل : لسانده ، ادبیاتده ، ساده لکه ، تکامله طوغری بر میل وار . بونکله برابر زمانک استلزام ایتدیکی عجالت ، نوهوسلرک فضله غیرتلی ، ارباب تصلفک حرکاتی لسانی ده ، ادبیاتی ده بالظهلیور . فصاحت کیتدکجه مغدور اولیور . بر تاریخده [اوده‌سا] دن کچمشم . کندیلری ایله کوروشدیکم ارباب قلم یک آواز اوله رق شکایت ایدیورلردی : — [اوده‌سا] ده روسجه بوزولیور . شهرمن سکنه‌سنک بر مهم قسمی بنی اسر ایلدندر . بونلر روسجه‌نی پک پوروزلی تکلم ایدیورلر . اسلوبلری ده ، اوله‌جه ، ریکدر . بونلرک یارم یامالاق روسجه‌سی ، خالص الدم روسلرک لسانده‌ده تأثیر ایتمه‌سونمی ؟

ایشته ، اختلاط ، السنه‌نی بویله زیوانه‌دن چیقاریور . بزم او کوزل ترکیه‌مزده‌ده مترجم تعییرلر ، لفظلر ، استعاره‌لر کیریور . بر آنارشیدر ، صورمه‌ییکز ! بیلن بیلمه‌ین یازی یازیور . صوکره بونلر تحکمه قالدیشیورلر . نتیجه‌سنده دینی ده ، لسانی ده ، اسمی ده ، وطنی ده ، ملتی ده مستعار اولیانلر بیله جریان قانیلوب او آبوق صابوق تعییراتی استتمال ایده‌کایورلر . بن (ترک اوغلی ترک) بر لسان ایستهرم .

شرقی

کل قوجاغم تختک اولسون آنده ایله سلطنت !

هجرک اولدیردی بنی نیلک پریمی مرحمت !

ایت تلاقیکاه پراحزانی غرق مسعدت !

هجرک اولدیردی بنی نیلک پریمی مرحمت !

مائی برکوملکه ، داغلق صاحبکله ای پری !

کل ، تنزل ایله احیا ایتکه برحقری

برکل آلتنده سنی بن بکرم چوقدن بری

هجرک اولدیردی بنی نیلک پریمی مرحمت !

مصطفی رشید

ینه کوپرلی زاده فؤاد بکه

عزیزم فؤاد بکه

« یکی مجموعه » ننگ ۱۴ مایس ۱۹۱۸ تاریخلی و ۴۴ نومرولی نسخه سینه نیم چکن هفته کی « ادبیات عمومی مجموعه سی » نده انتشار ایدن مقاله جوابیه به بالمقابله بر مقاله تنقیده دها درج ایتش اولدیغیزی کوردیم . ایرانک لسانک ، تمایلات علیه سنک و موالید فکریه سنک شیمدی به قدر کندیسنه آجدیفی شاهراهمک خارجنده بریول بیلمدیکم وایرانده بوتون مائر قلمیه بی - هله اون ، اون بش سنه دنیرو - مسعودانه اوسمه متوجه کوردیکم ایچون ویرکونکی ادبیاتمز ولسانمز موجودیتی یالکز اوجریانی حاضرلامش ، یامش و نمره دار ایتش ادبا و شعرا به مدیون اولدیغنه قوتلی بر اعتقاد بسله دیکم ایچون یالکز سزک دکل ، ایران ادبیاتیه آز چوق توغل ایتش هر هانکی برکیمسه ننگ تذکرملرده و بونلره مماثل کتابلرده کوره جکاری سلطان الشعرا ، امیرالادبا ، فخرالبغا ودها بیلیم نه کی وصفلره تعریف ایتدکاری ناظملری و ناطرلری کندی محکمه اوروب کامل العیار اولدقلرینی کورمز ایسه م اونلر ادبیات فرسیه به خدمت ایتش اسانده دن عد ایتیم ، ولوکه سز اونلر حقنده بش یوز تذکره دن بکا مدایح صیره له بوب دیزمش اوله سکر . وایلری سوردیکم برادطای حقیقه بیلیمه دن اورته به